

# TSWVYIM LOS NTAWM VAJ NTSUJPLIG

## Spiritual Gifts

---

### Zaajqha 8 – Kalatias 5:19-23

#### Vaaj Ntsujplig Paab Tug Ntseeg Ua Lub Neej Tshab

Uantej Tswv Yexus tsi tau tuag theej noobneej lub txhoj, Nwg tau coglug has tas Nwg yuav rov moog sau ntuj ceebtsheej, tabsis Nwg yuav thov Vaaj Leejtxiv xaa Vaaj Ntsujplig lug paab peb. Thaus Vaaj Ntsujplig lug mas Nwg yuav nyob nrug peb hab yuav nyob kag huv peb (Yauhaas 14:15-18).

Tomqaab Tswv Yexus yaa rov moog sau ceebtsheej lawm, nub kws cov Ntsus (Jews) ua lub koobtsheej Peetekos (Pentecost), Vaaj Ntsujplig tau lug rua cov Timthawj hab cov ntseeg 120 leej kws tuaj nyob uake thov Vaajtswv huv ib chaav tsev. Txij nub ntawd lug Vaaj Ntsujplig yeej tseem nrug cov ntseeg nyob.

Qhov kws Vaaj Ntsujplig nrug peb nyob yog paab peb ob yaam, xisle: (1) pub tswvyim (spiritual gifts) rua peb kuas txawj ua Vaajtswv tej dlejnum, hab (2) paab peb kuas ua tau lub neej tshab (fruit of the Spirit). Cov tswvyim kws peb siv ua Vaajtswv dlejnum yeej tseemcee kawg, tabsis lub neej tshab kws yog cov txiv ntawm Vaaj Ntsujplig tseem tseemcee dlua hab.

Peb tub kawm 7 zaaj txug tej tswvyim kws Vaajtswv muab rua cov ntseeg lawm. Zaaj qha xaus nuav peb yuav kawm txug cov txiv kws txi ntawm Vaaj Ntsujplig. Nyeem kuas taagnrho Kalatias 5:19-23 uantej koj teb cov lug nug.

1. Nqai 19-21. Tomqaab nyeem taag lub neej ntawm tug tuabneeg kws tsi muaj Vaaj Ntsujplig koj hab ua lub neej le tuabneeg nplajteb ua, koj ncu tau has tas thau u koj tau ua tej kev phem nuav yaam twg lawm hab?

---

---

---

2. Nqai 21. Yog uacaag tug kws ntseeg Vaajtswv lawm txhaj yuavtsum tseg

xob ua lub neej qub le ntawd lawm?

---

---

3. Thaus Vaaj Ntsujplig paab yug ua tau lub neej tshab mas yug tug coojpwm hab yug lub neej hloov lawm. Yug ua yaam tshab hab tsi ua yaam qub lawm (2 Kaulithaus 5:17). Yaam tshab kws yug ua tau ntawd yog Vaaj Ntsujplig cov txiv kws txi ntawm yug lub neej.

Nqai 22-23, has txug 9 lub txiv. Koj ua tuabzoo saib hab muab sau tuabsi rua ntawm nuav:

- (1) \_\_\_\_\_
- (2) \_\_\_\_\_
- (3) \_\_\_\_\_
- (4) \_\_\_\_\_
- (5) \_\_\_\_\_
- (6) \_\_\_\_\_
- (7) \_\_\_\_\_
- (8) \_\_\_\_\_
- (9) \_\_\_\_\_

4. Ntawm cuaj lub txiv nuav, Vaaj Ntsujplig paab koj txi tau lub twg zoo hab sav lawm?

---

---

---

5. Lub txiv twg ntawm koj lub neej kws zoo le txi lawm hab tabsis tsi lujhlab le, zoo le kaab pheed plev?

---

---

---

6. Ntawm cuaj lub txiv nuav, lub twg yog lub kws koj tsi tau txi hlo le? Yog tim lecaag txhaj tsi txi hab koj muaj tswvyim yuav ua lecaag lub txiv ntawd txhaj yuav txi?

---

---

- 
- 
7. Cov txiv kws Vaaj Ntsujplig paab peb txi nuav yog tej lug zoo kws peb has hab teg num zoo kws peb ua. Lawv le Tswv Yexus has huv Mathais 5:16, yog peb ua tau tej yaam zoo le ntawd nua muaj qaabhau dlaabtsi?
- 
- 
- 

Tej tswvyim kws Vaaj Ntsujplig muab rua peb (*spiritual gifts*), yog siv ua Vaajtswv teg dlejnum huv nplajteb nuav kuas paab tau cov ntseeg txawj lujhlab hab koj tau cov tsi tau ntseeg lug ntseeg ntxiv.

Tab sis cov txiv kws Vaaj Ntsujplig paab kuas peb txi (*fruit of the Spirit*) mas yog tug coojpwm zoo, lu lug zoo, hab teg dlejnum zoo kws tsi yog yuav paab tau lwm tug xwb tab sis yog yaam kws peb yuav koj tau moog ntuj ceebtsheej. Vaajtswv xaav kuas txhua tug kws ntseeg Vaajtswv lawm yuavtsum lujhlab saab kev ntseeg hhab hloov tug coojpwm kuas peb zoole Tswv Yexus (Kaulauxais 1:28) vim peb yuav moog nrug Tswv Yexus nyob.

Tusab hab txaajmuag thaus cov ntseeg Vaajtswv moog nrug cov tsi ntseeg ua dlejnum uake es peb yog cov has lug phem tshaaj, muaj tug coojpwm phem tshaaj, hab ua num phem tshaaj luas cov tsi ntseeg. Tsi yog peb ua moog lub teeb ci rua puab tab sis zoole peb koj kev tsausntuj moog xwb.

Yeej tsimnyog peb ntshaw tej tswvyim (*spiritual gifts*) ntawm Vaaj Ntsujplig, tab sis tsimnyog peb ntshaw txi cov ntxiv ntawm Vaaj Ntsujplig heev tshaaj ntawd.